



ANGGOTA penguatkuasa DBKL menjalankan tugas menutup premis kendalian warga asing di sekitar ibu kota, semalam.

# Lima kedai runcit warga asing **ditutup**

*DBKL sita premis di sekitar ibu kota termasuk pusat cuci kereta*

Oleh Nurul Hidayah Bahaudin  
nurul.hidayah@hmetro.com.my

## Kuala Lumpur

Lima premis perniagaan membabitkan kedai runcit dan barang basah dikendalikan warga asing ditutup serta disita dalam pemeriksaan dilakukan di empat lokasi berasingan di sekitar ibu kota ini, semalam.

Jurucakap Dewan Bandaraya Kuala Lumpur (DBKL) berkata, pihaknya melakukan pemeriksaan khas terhadap premis dikendalikan warga asing tanpa kebenaran di sekitar Jalan Dwi Tasik, Bandar Tun Razak; Jalan Horley, Jalan Khoo Teik Ee dan Jalan Walter Grenier, Bukit Bintang. "Dalam pemeriksaan

saan ini, kami menutup dan menyita lima premis membabitkan kedai runcit dan barang basah dikendalikan warga asing.

"Selain itu, tindakan penguatkuasaan menyita barang perniagaan juga dilakukan membabitkan satu premis cuci kereta dikendalikan warga asing dan tiada lesen sah dari

DBKL," katanya.

Menurutnya, semua barangan peralatan perniagaan disita dihantar ke Stor Sitaan DBKL Jalan Lombong bagi proses dokumentasi.

"Tindakan penguatkuasaan ini dilaksanakan mengikut peruntukan dan prosedur operasi standard (SOP) DBKL mengikut Akta Kerajaan Tempatan 1976.

"Tindakan seumpama ini akan diteruskan dari semasa ke semasa," katanya.



ANTARA premis kendalian warga asing yang diperiksa.



Lima premis membabitkan kedai runcit dan barang basah ditutup